

REGLUGERÐ um breytingu á reglugerð um flugvernd nr. 361/2005.

1. gr.

Markmið.

Markmið þessarar reglugerðar er að innleiða reglugerðir framkvæmdastjórnarinnar um breytingu á reglugerð (EB) nr. 622/2003 um ráðstafanir til að framfylgja sameiginlegum grunnreglum um flugvernd.

2. gr.

Með reglugerð þessari öðlast gildi hér á landi eftirtaldar reglugerðir framkvæmdastjórnar Evrópusambandsins með þeim breytingum og viðbótum sem leiðir af XIII. viðauka EES-samningsins, bókun 1 um altæka aðlögun og öðrum ákvæðum hans:

1. Reglugerð framkvæmdastjórnarinnar nr. 65/2006 frá 13. janúar 2006 um breytingu á reglugerð (EB) nr. 622/2003 um ráðstafanir til að framfylgja sameiginlegum grunnreglum um flugvernd, merkt fylgiskjal XI, samkvæmt ákvörðun sameiginlegu EES-nefndarinnar um breytingu á XIII. viðauka EES-samningsins nr. 66/2006 frá 7. september 2006.
2. Reglugerð framkvæmdastjórnarinnar nr. 240/2006 frá 10. febrúar 2006 um breytingu á reglugerð (EB) nr. 622/2003 um ráðstafanir til að framfylgja sameiginlegum grunnreglum um flugvernd, merkt fylgiskjal XII, samkvæmt ákvörðun sameiginlegu EES-nefndarinnar um breytingu á XIII. viðauka EES-samningsins nr. 90/2006 frá 19. október 2006.

Reglugerðirnar eru birtar sem fylgiskjöl með reglugerð þessari.

3. gr.

Gildistaka.

Reglugerð þessi er sett samkvæmt heimild í 70. gr., 4. mgr. 78. gr. sbr. 145. gr. laga um loftferðir nr. 60/1998 með síðari breytingum og öðlast þegar gildi.

Samgönguráðuneytinu, 20. desember 2006.

Sturla Böðvarsson.

Ragnhildur Hjaltadóttir.

Fylgiskjal XI.**REGLUGERÐ FRAMKVÆMDASTJÓRNARINNAR (EB) nr. 65/2006**

frá 13. janúar 2006

um breytingu á reglugerð (EB) nr. 622/2003 um ráðstafanir til að framfylgja sameiginlegum grunnreglum um flugvernd

(Texti sem varðar EES)

SAMÞYKKT REGLUGERÐ ÞESSA:

FRAMKVÆMDASTJÓRN EVRÓPUBANDALAGANNA HEFUR,

1. gr.

með hliðsjón af stofnsáttmála Evrópubandalagsins,

Eftirfarandi 3. gr. a bætist við í reglugerð (EB) nr. 622/2003,

með hliðsjón af reglugerð Evrópuþingsins og ráðsins (EB) nr. 2320/2002 frá 16. desember 2002 um sameiginlegar reglur um flugvernd í almenningssflugi ⁽¹⁾, einkum 2. mgr. 4. gr.,*„3. gr. a**og að teknu tilliti til eftirfarandi:***Nýjar tæknilegar aðferðir og ferli**

- 1) Framkvæmdastjórninni ber, samkvæmt reglugerð (EB) nr. 2320/2002, að samþykkja ráðstafanir til að framfylgja sameiginlegum grunnreglum um flugvernd í öllu Evrópubandalaginu. Reglugerð framkvæmdastjórnarinnar (EB) nr. 622/2003 frá 4. apríl 2003 um ráðstafanir til að framfylgja sameiginlegum grunnreglum um flugvernd ⁽²⁾ var fyrsta gerðin um slíkar ráðstafanir.
- 2) Þörf er á ráðstöfunum til að gera sameiginlegu grunnreglurnar nákvæmari.
- 3) Einkum skal vera mögulegt að prófa nýja tækni og ferli í tilraunaskyni í takmarkaðan tíma. Slíkar tilraunir skulu ekki draga úr heildarflugvernd.
- 4) Breyta ber reglugerð (EB) nr. 622/2003 til samræmis við það.
- 5) Ráðstafanirnar, sem kveðið er á um í þessari reglugerð, eru í samræmi við álit nefndarinnar um flugvernd í almenningssflugi.

1. Aðildarríkin mega heimila notkun tæknilegrar aðferðar eða ferlis við flugverndarefirlit í stað þeirra sem mælt er fyrir um í viðaukanum, að því tilskildu að:

- a) þau séu notuð í því skyni að meta nýjar leiðir við að framkvæma viðkomandi flugverndarefirlit og
- b) þau muni ekki hafa neikvæð áhrif á heildarflugvernd sem komið hefur verið á.

2. Viðkomandi aðildarríki, sem fyrirhugar að leyfa notkun nýrrar aðferðar eða ferlis, skal, a.m.k. fjórum mánuðum áður en áætluð notkun hefst, tilkynna framkvæmdastjórninni og hinum aðildarríkjunum skriflega um hina nýju aðferð eða ferli sem það ætlar að leyfa og láta fylgja með mat þar sem tilgreint er hvernig aðildarríkið skuli tryggja að beiting nýju aðferðarinnar eða ferlisins uppfylli kröfuna í b-lið 1. mgr. Í tilkynningunni skulu einnig koma fram ítarlegar upplýsingar um þann stað eða staði þar sem aðferðin eða ferlið verður notað og fyrirhugaða lengd matstímabilsins.

3. Ef framkvæmdastjórnin gefur aðildarríkinu jákvætt svar eða ef ekkert svar berst innan þriggja mánaða frá móttöku skriflegu beiðninnar má aðildarríkið leyfa notkun nýju aðferðarinnar eða ferlisins.

⁽¹⁾ Stjótið. EB L 355, 30.12.2002, bls. 1. Reglugerðinni var breytt með reglugerð (EB) nr. 849/2004 (Stjótið. ESB L 158, 30.4.2004, bls. 1).

Nr. 1164

20. desember 2006

Ef framkvæmdastjórnin er ekki fullviss um að hin fyrirhugaða, nýja aðferð eða ferli veiti fullnægjandi tryggingu fyrir því að heildarflugvernd verði viðhaldið í Bandalaginu skal framkvæmdastjórnin tilkynna aðildarríkinu þar um innan þriggja mánaða frá móttöku tilkynningarinnar, sem um getur í 2. mgr., þar sem hún útskýrir efasemdir sínar. Við slíkar aðstæður skal viðkomandi aðildarríki ekki hefja notkun aðferðarinnar eða ferlisins fyrr en það hefur fengið samþykki framkvæmdastjórnarinnar.

4. Lengd matstímabilsins fyrir hverja tæknilega aðferð eða ferli skal vera að hámarki 18 mánuðir. Framkvæmdastjórnin má framlengja matstímabilið um hámark 12 mánuði til viðbótar, að því tilskildu að aðildarríkið leggi fram gild rök fyrir framlengingunni.

5. Hlutaðeigandi yfirvald í viðkomandi aðildarríki skal, a.m.k. á sex mánaða fresti á matstímabilinu, leggja fyrir framkvæmdastjórnina skýrslu um framvindu matsins. Framkvæmdastjórnin skal tilkynna hinum aðildarríkjunum um innihald framvinduskýrslunnar.

6. Matstímabilið má ekki undir neinum kringumstæðum vera lengra en 30 mánuðir.“

2. gr.

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 13. janúar 2006.

Fyrir hönd framkvæmdastjórnarinnar,

Jacques BARROT

varaforseti.

Fylgiskjal XII.**REGLUGERÐ FRAMKVÆMDASTJÓRNARINNAR (EB) nr. 240/2006**

frá 10. febrúar 2006

um breytingu á reglugerð (EB) nr. 622/2003 um ráðstafanir til að framfylgja sameiginlegum grunnreglum um flugvernd

(Texti sem varðar EES)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af reglugerð Evrópuþingsins og ráðsins (EB) nr. 2320/2002 frá 16. desember 2002 um sameiginlegar reglur um flugvernd í almenningsflugi ⁽¹⁾, einkum 2. mgr. 4. gr.,

og að teknu tilliti til eftirfarandi:

- 1) Framkvæmdastjórninni ber, samkvæmt reglugerð (EB) nr. 2320/2002, að samþykkja ráðstafanir til að framfylgja sameiginlegum grunnreglum um flugvernd í öllu Evrópubandalaginu. Reglugerð framkvæmdastjórnarinnar (EB) nr. 622/2003 frá 4. apríl 2003 um ráðstafanir til að framfylgja sameiginlegum grunnreglum um flugvernd ⁽²⁾ var fyrsta gerðin um slíkar ráðstafanir.
- 2) Þörf er á ráðstöfunum til að gera sameiginlegu grunnreglurnar nákvæmari.
- 3) Í samræmi við reglugerð (EB) nr. 2320/2002 og til að koma í veg fyrir ólöglegt athæfi er rétt að ráðstafanirnar, sem mælt er fyrir um í viðaukanum við reglugerð (EB) nr. 622/2003, séu leynilegar og ekki birtar opinberlega.

Það sama gildir óhjákvæmilega um allar gerðir sem breyta henni.

4) Breyta ber reglugerð (EB) nr. 622/2003 til samræmis við það.

5) Ráðstafanirnar, sem kveðið er á um í þessari reglugerð, eru í samræmi við álit nefndarinnar um flugvernd í almenningsflugi.

SAMÞYKKT REGLUGERÐ ÞESSA:

*1. gr.***Markmið**

Viðaukanum við reglugerð (EBE) nr. 622/2003 er breytt eins og fram kemur í viðaukanum við þessa reglugerð.

Ákvæði 3. gr. þeirrar reglugerðar gilda varðandi leynd yfir viðaukanum.

*2. gr.***Gildistaka**Reglugerð þessi öðlast gildi á tuttugasta degi eftir að hún birtist í *Sjónartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 10. febrúar 2006.

Fyrir hönd framkvæmdastjórnarinnar,

Jacques BARROT

varaforseti.⁽¹⁾ Stjótið. EB L 355, 30.12.2002, bls. 1. Reglugerðinni var breytt með reglugerð (EB) nr. 849/2004 (Stjótið. ESB L 158, 30.4.2004, bls. 1).⁽²⁾ Stjótið. ESB L 89, 5.4.2003, bls. 9. Reglugerðinni var síðast breytt með reglugerð (EB) nr. 65/2006 (Stjótið. ESB L 11, 17.1.2006, bls. 5).

Nr. 1164

20. desember 2006

VIÐAUKI

Í samræmi við 1. gr. er viðaukinn leynilegur og skal ekki birtur í *Stjórnartíðindum Evrópusambandsins*.

B-deild – Útgáfud.: 8. janúar 2007